

Пешку тумани Боғимусо МФЙда яшовчи аҳоли томонидан

Ўзбекистон Республикаси Олий Мажлис Сенати раиси Танзила Норбоева Камаловнага;

Ўзбекистон Республикаси Олий Мажлисининг Инсон ҳуқуқлари бўйича вакили (омбудсман)га;

Ўзбекистон Республикаси Олий Мажлис Қонунчилик палатасига;

Ўзбекистон Республикаси Олий Мажлис Қонунчилик палатасида Пешкў туманидан сайланган Адолат СДП фракцияси аъзоси Чориев Таваккал Равшановичга;

Ўзбекистон Республикаси Бухоро Вилояти Пешкў тумани Халқ қабулхонасига;

Ўзбекистон Республикаси Бухоро Вилояти Пешкў тумани Бош Вазир қабулхонасига;

Ўзбекистон Республикаси Бухоро Вилояти Пешкў тумани ҳокими Ваҳоб Қаҳҳоровга;

а р и з а

Ушбунни ёзиб шуни маълум қиламизки, 1-масала. 2008 йил бизнинг маҳалла табиий оқма газдан ўзбошимчалик билан узиб қуйилди, аҳоли фикри инобатга олинмади. Сабаб, аҳоли қарздорлиги деб кўрсатилди. Аслида эса қарздорлик шакллантирилди, йўқ газ учун қарз қилиб, одамларни тармоқдан узишга мажбурий рози қилишнинг ажойиб йўлини топишди. Бизда ҳозир ҳам уйларимизда газ қувурлари турибди. Қилган мурожаатларимиз самара бермади, асос қилиб эса газ баллонлар билан таъминланганимизни кўрсатишади. Газ баллон билан уй иситиб бўлмайди, негадир буни “юкоридагилар” тушунишмайди. Маҳалламизга 5 та қишлоқ бўйсунди, шу қишлоқлар орасида фақат 1 та қишлоқда оқма газ бор холос. Маҳалламизда **4150 дан ортиқ** аҳоли истиқомад қилади, шулардан, **335 нафари ёш болалар, 295 нафари қариялар, 73 нафари ногиронлар**. Ҳар йили қиш ойларида бир сезонлик ўтин нархи **8-10 миллионга** чиқиб кетади. Қишлоқларимизда дарахт деярли қолмади, чўлларимизда саксовул деярли йўқ бўлиб кетиш арафасида турибди. Шу сабаб, ёз ойларида шамол бўлса ҳовлиларимиз чўл қуми билан тўлади, экин майдонларимиз шўрлаб кетади. **Йил бўйи йиққан маблағимиз солиқ тўлашга, ўтин олишга ва дори-дармонга кетяпти**. Сизлардан сўраймизки, бизни ҳаққимиз бўлган табиий оқма газни қайта тиклашда амалий ёрдам беринглар. Президентимиз охириги мажлисларидан бирида **“газ экспортини қисқартириб аҳолини газ билан таъминлаш бўйича”** топшириқ бердилар. Демак, ички бозоримизда газ етарли миқдорда бор. Нега бизга қўшни Газли тумани етакчи газ конларидан ҳисобланади-ю бизга газ берилмайди, бунга сабаб нима? Қачонгача бизларни чет эл ОАВлари калака қилиб сиёсий майдонда обрўйимизни тўкишади? Қачонгача қишлоқлардан ва қишлоқ одамларидан тезак ҳиди бурқиб туради? Қачонгача ёш йигитлар носоз электр иситиш печкаси туфайли ўлиб кетади? Қачонгача электр муаммоси ҳақида гапирсак бизга электр таъминотчи томонидан “куёш панеллари ўрнат” деб устимиздан қулишади? Қачонгача қишлоқ

муаммосини ўрганишга келган текширувчилар йўл-йўлакай ўтиб кетади? Қачонгача мактабларимизни иситиш учун тезак ва кўмир кукунидан фойдаланишади?...

2017 йил Президентимиз Шавкат Миромонович иқтидорга келган вақтларида **“Халқ билан мулоқот ва инсон манфаатлари йили”** деб эълон қилинди. Қишлоқлар муаммосини ўрганиш мақсадида ўқитувчилар ҳар бир хонадонга кириб шикоятларни ёзиб олди. Натижа эса ҳар доимгидек, ҳеч нима ўзгармади.

Қишлоғимиз туман марказидан узоқ эмас, бизни оқма газдан узиб қуйишга ва газ бермасликка ҳеч қандай асос йўқ. Газ қувурлари ўз ўрнида турибди фақат газни улашга рухсат беришса бўлди.

2- масала. Қишлоғимиз газ тармоғидан узиб қуйилгани бир томон бўлса, устига-устак электр тармоғида қунига 8-10 соатгача чеклов қуйилгани бир томон (электросеть томонидан берилган чеклов графигини хатга илова қиламиз). Асос қилиб **Вазирлар Маҳкамасининг 2018 йил 12-январдаги №22-сонли қарорининг 14 боби**га асосан “электр энергия тизимида ёқилги ёки гидроресурслар, қувват етишмаганда ва авария ҳолатлари пайдо бўлганда Пешку тумани ҳудудларида электр энергиясини 2020-2021 йиллар учун чеклов ВЕЕР жадвали”ни кўрсатишади. Биринчидан, 2018 йил чиқарилган қарорда 2021 йилда қишлоқларни электрдан чеклаш қайси мантиққа тўғри келади? Иккинчидан 2018 йил чиқарилган ишбу қарорда чеклов ҳар қуни амал қилади деган кўрсатма келтирилмаган, унда нега қишлоқларни ҳар қуни 8 соатдан мажбурий ўчиришади? Учинчидан, 2018 йил чиқарилган бу қарорда қарор ижроси таъминланиши Туман ҳокимлиги, Туман маҳалла ва оилани қўллаб-қувватлаш бўлими ва маҳалла фуқаролар йиғинига юклатилмаган (иловага қаранг), нега унда ушбу 3 ташкилот чекловга рухсат бериши керак? Бу ерда биз истеъмолчилар ҳуқуқимиз оёқ ости бўлаяпти. Қунига 8-10 марта ток ўйнаши натижасида доимий тармоққа уланган маиший техникаларимиз зарар кўряпти. Энди қаранг, **Вазирлар Маҳкамасининг 2018 йил 12-январдаги №22-сонли қарорининг 14 бобида аслида бундай “Электрни чеклаш жадвалларининг қуйидаги турлари тузилади:**

- ягона электр энергетика тизимида ёқилги ёки гидроресурслар етишмаганда электр энергиясини (кВт соатда) чеклаш жадвали. Жадвалда электр энергия истеъмолини истеъмолчиларнинг технологик бронигача, кейинчалик эса авария бронигача (чеклашга мансуб бўлмаган объектлардан ташқари) ва бунда истеъмолни 5 та навбатга бўлган ҳолда қисқартириш назарда тутилиши лозим;

- ягона электр энергетика тизимида қувват етишмаганда қувватни (кВтда) чеклаш жадвали. Жадвалда ягона электр энергетика тизимининг эрталабки ва кечки энг катта юкламалари юзага келадиган соатларда истеъмол қилинадиган қувватни истеъмолчиларнинг авария бронигача камайитириш ва бунда истеъмол қилинадиган қувватни 5 та навбатга бўлиш назарда тутилиши лозим;

- қувват тақчиллиги юзага келиши натижасида авария хавфи пайдо бўлганда ва чеклаш жадвалларини жорий қилиш имконияти бўлмаганда, қувватни чеклаш жадвали. Жадвалда узиб қўйилиши мумкин бўлмаган объектлардан ташқари, ягона электр энергетика тизими истеъмолчиларини тўлиқ узиб қўйиш ва узиб қўйиладиган қувватни 5 навбатга бўлиш назарда тутилиши лозим”.

Вазирлар Маҳкамасининг 2018 йил 12-январдаги №22-сонли қарорининг 2-боб 14-бандида **“Республикада электр энергияси истеъмолининг прогнози ҳудудий электр тармоқлари корхоналари томонидан иқтисодий ривожланиш, аҳоли сонининг ўсиши ва уй-жой қурилишини ҳисобга олган ҳолда ҳар бир истеъмолчи билан тузилган электр таъминоти шартномаларида кўрсатилган эҳтиёж миқдорлари асосида аниқланади”.** Лекин йилдан йилга аҳоли сони ўсиб

бораётганлиги кузатилса ҳамки электр ҳам йилдан йилга чеклашлар миқдори ортиб бормоқда яъни, прогноз қилинмаяпти.

Маҳкамасининг 2018 йил 12-январдаги №22-сонли қарорининг 14 боб 156-бандида "Электр энергиясини чеклаш ва узиб қўйиш ҳақида"ги қарорнинг қўйиш тартиблари ва электр тармоқлари ускуналарининг йўл қўйиб бўлмайдиган шароитларда ишлашининг олдини олиш, ягона электр энергетика тизимининг барқарор параллель ишлашини таъминлаш, авариялар юзага келишининг олдини олиш ҳамда истеъмолчиларнинг тартибсиз узиб қўйилишини бартараф этиш мақсадида ягона электр энергетика тизимида электр энергияси ва қувват танқис бўлган ҳолларда тузилади" яъни фавқулодда ва форс-мажор ҳолатларида бутун Республика истеъмолчи ҳисобланади. Лекин, калтак ана туман ва қишлоқлар истеъмолчиларининг бошига келиб синади. Чунки, шаҳарда мабодо ток ўчиб қолса биз кўрмадик 40 дақиқадан ортиқ ўчганини. Қишлоқларда ҳам одамлар яшашади!

Шуларни инобатга олган ҳолда сизлардан талабларимиз:

1. Бизларни табиий оқма газга уланишимизга рухсат беринг;
2. Газдан узулган ҳудудларда электр энергиясини (газ келгунга қадар) стабиллаштириб беринг;
3. Ҳозирча юқоридаги 2 та талабни бажаришнинг иллати бўлмаса бизга 295 сўмлик таъриф ўрнига (кўрсатилган хизматга яраша) 50 сўмлик таъриф жорий қилиб беринг.

Агар, бизни табиий оқма газ муаммойимиз ижобий ҳал бўлса электр энергиясига бўлган кунлик эҳтиёжимиз 70-80 фоизга қисқаради яъни, электр муаммоси ўз-ўзидан счим топади.

Қонун доирасидан чиқмаган ҳолда талаб қўйдик. Бирор хизматни текин бўлишини талаб қилмадик. Адолатли бўлинг! Адолат қилинг! Адолат кўрасиз! Ассалому алайкум.

Сизларга эҳтиром билан Пешку тумани Боғимусо МФЙ аҳолиси.

Заирова Мурабба Насриддиновна
Шарофат Дилмурод сирожидин
Рахмонов Бобур Шермухаммадов
Шаронов Отабек
Дехқонов Умар Сулҳонов
Ибраҳимов Эргор Сайдуллаев
Турдиев Обид Облоқулов
Сефоров Хондор
Камолов Эргам
Махмудов Раъшан
Ҳодиров, Мамид
Ҳайдаров Оми
Наббиров Дехқон

3

Агазов шукрун
Камалов Амад
Агазов шомирод
Махмудов Акбар

Шук
Мах
Ага
Камал

Агазов шомирод
Шукрунов Ахмед
Найфов Талат
Назиров Талат

Ахмед
Талат
Назир

Самторов Шерат
Бухариев

Шерат

Наббаров Ойбек
Наринбег Шират

Ойбек

Мехторов Алижон

Асломат Ғарипов

Ғарипов Шират
Ғарипов Шират

Азимов Ахмед
Шаронов Акбар

Наматов Рахмат

Бекор Ғасур
Шаронов Ахмед

Эгоров Шират
Мерош Эммурад

"Келишилди"
Пешку тумани ҳокими
А.Назаров
"20" Март 2020й.

"Келишилди"
Туман ҳокими ўринбосари,
Маҳалла ва оилани қўллаб қувватлаш
бўлими бошлиғи Ж.Умидов
" " 2020й.

"Тадиклайман"
Пешку ТЭТК бошлиғи
Ў.Д.Тўқсанов
" " 2020й.

Вазирлар маҳкамасининг 2018 йил 12 январдаги №22-сонли қарорининг 14 бобида асосан электр энергетика тизимида ёқилғи ёки гидроресурслар, қувват етишмаганда ва авария ҳолатлари пайдо бўлганда Пешку тумани ҳудудларида электр энергиясини 2020-2021 йиллар учун чеклов "БЕЕР" жадвали

3	ПС Афшона-110/35/10	ф.Охунбобоев	15	30	35	Аҳоли,насослар, сувокава, мактаб	Садир МФИ Янги обод МФИ	15		30		30		35
		ф.Янги Бозор	20	30	30	Аҳоли,касалхона, пахта пункти, алока, коллеж, насослар	Янги бозор МФИ, Мустакиллик МФИ	20		30		30		30
		ф.Боги мусо	20	20	35	Аҳоли,насослар, сувокава, мактаб	Истикбол МФИ,Боги мусо МФИ, Навбахор МФИ	20		20		20		35
		Ф.Чикирчи	30	45	45	Аҳоли, М/М, каслхона	Чикирчи МФИ, Мустакиллик МФИ	30		45		45		45
		Пешку ТЭКС	15	15	10	Аҳоли, касадхона, пахта пункти насос	Пешку МФИ, Ибн Сино МФИ, Камолот МФИ	15		15		15		10
ЖАМИ:			420	570	605			420		570		570		605

Изоҳ:

1. Чеклаш
киритиладига
н вақти:

Ойнинг 1- декадаси(1-10 кунлари)
Ойнинг 2- декадаси (11-20 кунлари)
Ойнинг 3- декадаси (21-31 кунлари)

02-00 дан 04-00 гача, 08-00 дан 10-00 гача, 14-00 дан 16-00 гача, 20-00 дан 22-00 гача
04-00 дан 06-00 гача, 10-00 дан 12-00 гача, 16-00 дан 18-00 гача, 22-00 дан 24-00 гача
00-00 дан 02-00 гача, 06-00 дан 08-00 гача, 12-00 дан 14-00 гача, 18-00 дан 20-00 гача

2. Зарурат туғилганда «Бухоро ХЭТК» АЖ томонидан туманлар бўйича истеъмол чеклови ушбу жадвалларда белгиланган соатларда олиб борилади. Режавий таъмир ишлари, аварияли-тиклаш ишлари олиб борилганда ва энерготизимда фавқулотда вазиятлар юзага келганда, ушбу чеклов жадвалларида кўрсатилган соатлардаги тармоқлардан ташқари қўшимча тармоқлар ўчиши мумкин.

Пешку ТЭТК бош муҳандиси:

Ш.Саидов